

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIA

HERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

145.000 euroko diru-laguntzetarako deia egin da, partzuergoen kirol-jarduera fisikoko programetarako

Erakunde horiek kirol-teknikari bat eduki beharko dute

Asteartea, 2018.eko abuztuak 7

Kultura, Kirol eta Gazteria Departamentuak, Nafarroako Kirolaren eta Gazteriaren Institutuaren bitartez, 145.000 euroko diru-laguntzetarako deia egin du, kirol-teknikaria duten partzuergoek egiten dituzten kirol-jarduera fisikoko programak sustatzeko. Jarduerok aurtengo urriaren 1etik 2019ko irailaren 30era bitartean egin behar dira.

Halaxe jasotzen da Ana Herrera kontseilariaren [foru-agindu](#) batean, zeina gaurko (abuztuaren 7a, asteartea) Nafarroako Aldizkari Ofizialean argitaratu baita.

Nafarroako Gobernuak honako gastu hauek ordaintzeko emango ditu diru-laguntzak, besteak beste: langile-gastuak, laguntza teknikoko kontratuak, joan-etorriak eta kirol-materiala.

Eskaerak telematikoki aurkeztu behar dira, nahitaez, dagokion [fitxaren](#) bidez. Horretarako epea asteazken honetan hasten da, hilak 8, eta abuztuaren 20an amaitzen da.

Aipatzekoa da kirol-zerbitzua duten bederatzi partzuergo daudela Nafarroan: Areso Araitz, Nafarroa Hegoa, Orreaga, Erriberagoitia, Erribera Erdia, Sakana, Izarbeibar, Erdi Aldea eta Ultzama oinarrizko gizarte-zerbitzuen partzuergoa. Erakunde horiek 93 udal biltzen dituzte, eta 130.000 biztanle baino gehiago, Foru Komunitateko biztanleriaren % 20,5.